

Brommer asesino a exige su di dos victima y despues a pega candela

ORANJESTAD(AAN) -- Den pasado e motocicleta asesino Suzuki a exige bida di e homber P. den un accidente na Savaneta.

E motocicleta a worde drecha y bendi. Ayera den horanan di madrugada un dama a bira e otro victima di e motocicleta.

Investigacion di Departamento di Trafico a muestra cu e motocicleta Suzuki color blauw cu blanco cu number A-429 tabata core den un grupo di motocicleta.

Na dado momento Gideon Maduro cu tabata maneha e motocicleta a duna gasoline y a core bay laga e grupo. Esaki ta un indicacion cu G.M. tabata maneha e motocicleta cu velocidad halto.

Un rato despues, e grupo di motocicleta aki a bin constata cu G.M. y e dama Sherina Michelina Arends naci dia 7 di Augustus 1967 a haya nan mes envolvi den un accidente.

Tabata mas o menos 3.38 or di



madruga ora cu Polis a worde informa cu ariba e caminda di Sasaki mas o menos 200 meter promer cu e cruzada na Bubali

un accidente a tuma lugar.

Inmediatamente un patruya di Polis a bay na e sitio y a constata cu tabata trata aki di un acci-

dente hopi serio caminda e dama Sherina Michelina Arends a fayece al instante.

Un ambulance a ser solicita pa

transporta e pareha pa hospital y un truck di bombero a worde solicita pa paga e motocicleta cu a pega candela.

Na hospital Dr. Soure a con-

stata cu Sherina Arends a fayece. Investigacion a muestra cu aparentemente G.M. a perde control y pa evita cu e lo a dal contra un paio di luz el desvia y baha caminda.

Esaki a causa cu ambos a ser saca pa e motocicleta caminda e victima a bay dal su cabez contra e klip. Debi na e hecho cu e no tabata tin helm bisti, e impacto tabata tin consecuencia fatal.

Pa loke ta trata e motocicleta asesino, esaki a kima completamente. E victima tabata di vacation na Aruba y tabata keda na Pos Chiquito. E tabata traha na oficina di turismo na New York.

DIARIO ta extende palabranan di condolencia na familiaran di e difunto.

Meta Corporation lo yuda cu construccin di Piscina Olimpico

ORANJESTAD(AAN)- Na ocasion di e proximo apertura di Hotel Sonesta, gerencia di Meta Corporation a acerca gobierno di Aruba cu e peticion pa sugerencia pa Meta haci algun gesto pa e comunidad di Aruba.

A worde combeni cu Meta Corporation lo bay haci e siguiente

trabaonan ariba su propio gasto pa e ocasion especial aki, na bienestar di comunidad Arubano.

E trabaoonan lo worde ehecuta pa e compania Associated Transport Co. N.V.

1. Lo bay haci e tereno limpi na unda e piscina olimpico lo bay

worde traha.

2. Lo coba e bouwput pa e piscina.

3. Lo pareha e tereno pa e trahamento di e piscina y e facilidadnan cu ta pertenece na dje.

4. Lo entrega e beton pa e piscina y tambe un cantidad igual di beton pa e trahamento di tribunan.

5. Tambe lo bay haci tres tereno limpi cu lo sirbi como sportveld pa e comunidad pa disfruta di nan.

Meta Corporation ta spera cu e comunidad Arubano especialmente juventud lo haci uzo di e facilidadnan aki den futuro.

Di parti Gobierno nan ta sumamente satisfecho cu e gestonan aki y a dicidi di acepta e oferta di Meta Corporation.

Den caso di violacion di turista menor di edad

Pañanan y muestra di sanger di acusadonan a ser manda Hulanda

ORANJESTAD(AAN) -- Diabierna e hombernan A.J.P.(22) y I.F.C.(27) kendenan a viola un dama, mester a presenta dilanti mesa berde.

Ta asina cu e duo aki ta worde acusa di a viola un mucha muher turista.

Tanto Juez mr. Mohamed como Fiscal mr. Lie-A-Kwie ta considera e caso aki como uno hopi serio.

Fiscal mr. Lie-A-Kwie a bisa cu lamentablemente Aruba no ta dispone di facilidadnan pa por haci un investigacion optimal

den casonan asina.

Afortunadamente por conta cu e laboratorio di Hulanda cu si por haci e investigacionnan desea.

Ta asina cu permiso di e acusadonan a manda muestra di sanger y pañanan pa laboratorio na Hulanda pa un investigacion profundo.

Segun mr. Lie-A-Kwie, esaki ta trece cune cu e investigacionnan lo dura un poco. Te ainda no a ricibi resultado di e investigacion cu ta sumamente importante den e caso aki.

Pa tal motibo mr. Lie-A-Kwie a pidi Juez mr. Mohamed pa pospone e caso.

Ta asina cu e acusado I.F.C., tambe a pidi pa pospone e caso pa asina e por haya un abogado. Notable tabata cu tanto I.F.C. como A.J.P. a presenta dilanti Juez cu un jeans cu a worde corta den forma di un short.

Juez mr. Mohamed a bisa cu e ta bay di acuerdo cu e peticion di Fiscal ya cu ta trata aki di un caso sumamente serio. E caso a keda posponi pa dia 16 di Maart.

Telegram di Coastal a cay den mal tera

ORANJESTAD(AAN)--

Durante eleccion di Reina di Carnaval e compania Coastal a dicidi di manda un telegram. Fuentenan bon na altura a bisa, cu originalmente tabata palabra, cu no ta bay leza ningun telegram. Pero unabez di Coastal a worde leza, mester a sigui cu otro.

Den un telegram, cu a worde acompaña pa hopi "boe" di publico, Coastal a presenta su mes como esun cu a salba Aruba. Na cierto momento hasta e palabranan tabata parece di indica cu na 1984 ta a proposito a dicidi di cera Lago.

E telegram di Coastal a haci parece, cu loke "tanto man a construi un paar di man a destrui."

Manera ya a worde bisa e telegram a causa mal gusto cerca publico cu a conteste na su manera: "Boe!"